

Kerajaan telah mengisytiharkan 11 November pada setiap tahun sebagai Hari Kitar Semula Kebangsaan. Ini sekali gus membuktikan usaha berterusan kerajaan untuk memastikan rakyatnya bakal mendapat persekitaran selamat dan selesa pada masa depan.

Pada hari ini dianggarkan kira-kira 15 ribu tan sampah sehari dibuang begitu saja. Bilangan berkenaan dianggarkan akan terus meningkat kepada dua peratus pada masa depan sekiranya tiada usaha dijalankan bagi memupuk kesedaran orang ramai terhadap *pengurusan* sampah mereka. Perkara yang lebih membimbangkan ialah tapak pelupusan sisa sampah yang ada tidak mampu *menampung* bilangan sampah yang bertambah sejajar dengan pertambahan penduduk negara.

Justeru, bagi memupuk kesedaran itu kerajaan telah memperuntukkan sebanyak RM2juta bagi mengiklankan kempen kitar semula supaya dihayati rakyat negara ini. Selain itu, pembabitan semua sekolah di seluruh negara turut memantapkan lagi kempen kitar semula dalam usaha memupuk budaya kitar semula di peringkat awal. Program anjuran bersama kerajaan negeri dan 67 pihak berkuasa tempatan (PBT) dilaksanakan secara berterusan, termasuk mengadakan pameran bergerak di sekolah-sekolah.

Namun, keberkesanan kempen kitar semula semakin goyah kerana masih ramai yang malas *memperuntukkan* masa *mengasingkan* bahan yang boleh dikitar semula sebelum membuang sampah.

- 1 Petikan di atas ditulis dengan tujuan supaya
 - A dapat menyedarkan orang ramai tentang kepentingan kitar semula
 - B orang ramai sedar akan pengisytiharan yang telah dibuat oleh kerajaan
 - C rakyat dapat terus hidup dengan selesa
 - D masalah yang dihadapi oleh negara dapat diatasi
- 2 Masalah yang timbul akibat kegagalan kempen ini ialah
 - A sampah dibuang oleh orang ramai setiap hari
 - B kerajaan terpaksa mengeluarkan kos sebanyak RM2 juta
 - C kawasan pelupusan tidak lagi dapat menampung sampah yang dibuang
 - D pertambahan penduduk secara mendadak
- 3 Matlamat mewujudkan persekitaran yang selamat dan selesa tidak akan tercapai seandainya
 - A 11 November tidak diisytiharkan sebagai Hari Kitar Semula Kebangsaan
 - B masyarakat masih gagal mengamalkan budaya kitar semula
 - C bilangan penduduk negara ini terus meningkat
 - D pihak kerajaan gagal memperuntukkan RM2 juta untuk mengiklankan Kempen Kitar Semula
- 4 Penulis berasa kesal dengan sikap orang ramai yang
 - A enggan menghentikan kegiatan pembuangan sampah
 - B sengaja membuang 15 ribu tan sampah setiap hari
 - C berusaha meningkatkan pembuangan sampah sebanyak dua peratus
 - D tidak mempunyai inisiatif untuk mengasingkan bahan yang boleh dikitar semula